



文肅公文集卷之二十七

祭文

祭沈方伯文

嗚呼沈公遽止斯邪慨念疇昔使我傷嗟始佐夏官克亮厥
采條嬰奇旤遠竄遼海鼯鼯之穴冰雪之塲荏苒十年艱阻
備嘗人爲公憂公順以處視險若葵居嘗暇豫皇有恩命起
佐汴藩敷政優優小大稱賢桂嶺之陬炎烟鬱勃公往旬宣
不遑自恤霾霧內作赫施外烝天不憇遺遽殞其生嗚呼哀
哉公之弘材宜躋臺閣數也多奇位止方岳公之仁厚宜享
文肅公文集 卷之二十七

一

耄期命也不淑奄逝莫追堂有慈親霜華被髮倚門而望今
見歸襯庭有令子岐嶷而才昔焉戲綵茲服經衰嗚呼沈公
歆此芳耐壽雖不多名則不朽悠悠畫髮暫駐江濱臨棺一
慟猶以此文



祭程襄毅公文

嗚呼維昔忠壯著助於梁儲休委社祚胤以昌繫公之生實
鍾先慶毅然其剛翼乎共敬京闈擢秀遂登賢科敷歷中外
勞績實多簪筆黃門忠言審審出贊大藩惠澤流行獫狁孔
熾邊鋒屢驚秉節出鎮屹如長城入佐秋官明慎庶獄隱隱
沈寃靡幽不燭烏猗狂獍擾我南甬董師致討羣醜於襄帝
曰爾來作朕祈父往鎮南都式綜機務廼放教條廼戢奸驕
畿甸肅然固或謹囂連章乞歸晚乃得謝從容詩酒追蹤洛
社厥世何蚤騎箕太空當宁嗟悼卹典優隆追贈有詔易名
文肅公文集 卷之二十七 二

有謚生榮歿哀在今罕比矧有賢子侍講經筵清文雅望與
公後先周之休父宋之文簡以及公身奕世丕顯某等素辱
公愛承訓良多聞公之訃怛焉驚嗟縻祿於茲無由執紼械
詞寓哀往酌公室

祭陳亞卿文

惟公系山太丘世以儒名傳序迨公益振休聲年方垂髫沉
酣經史發爲詞章博瞻雄偉京闈論秀黃甲蜚英爰擢都官
式典邦刑單辭是清兩造斯理俾我聖皇從欲以治廼將皇
命錄囚南邦開釋沉寃頌聲洋洋廼陟藩垣於彼東土敷政
優優民歌且舞烏猗弗率越蹈我疆命公建節往斧其吮叛
者威之服者綏之推髻弁裳拔戈畢來皇曰汝歸往我司寇
小大之獄庶罔或謬彼造物者胡嗇公年溘焉遐逝曾莫少
延朝失耆龜民失父母矧予同志失茲良友吟溪之澗新塋
文肅公文集 卷之二十七 三

載開莫助執紼曷慰我哀陳此嘉穀侑以芳醕公其來格鑒

我衷悰

祭左時翊文

嗚呼時翊遽止於茲邪博洽之學雄麗之詞遒勁之字俊逸之詩世寧復得見之邪其仕也內佐冢宰外典藩司身雖貴而不驕年雖高而不衰謂公終當躋崇秩而享期頤孰謂奄一疾而莫追邪世之人不嫌於人則謗且誹不獲乎天則怨且疑公之所歷有窮有達有險有彘而公處之如一但見坦坦而怡未嘗戚戚而悲非樂天知命其孰能如斯邪嗚呼麻姑之谷盱水之湄吾知公駕玄鸞驟白螭與秦伯南雲相從而娛嬉彼一杯之土南山之陲文光爛爛固將燭霄漢而陸離某等或通家之夙好或交誼之相知聞公之訃固當匍匐而執紼顧山川悠邈弗克駕素驥而送靈輻何以寫哀奠此卮酒而侑以此詞

祭劉侍郎文

嗚呼惟公風標俊偉冰襟磊落才邁王楊學宗濂洛其於文也浩乎蘇王之雄渾其於書也淵乎馬鄭之辯博發於詩詞也有若金聲玉振之鏗錡見於字畫也不啻春蚓秋蛇之間錯故其論秀詞塲也攄藻思之春容其簪筆螭頭也效忠言之蹇諤其進貳憲卿也休閒揚於羣公其出佐藩服也嘉績冠於列岳胡一疾之弗痊奄九原之不作是何志之壯而氣之滴才之豐而命之薄邪然而年垂五十不可謂天也官躋三品不可謂小也承家有子慶綿綿也制行無慚名皦皦也文肅公文集

卷之二十七

五

則公之云歿亦復何憾乎所可悼者朝失良臣民失父母矧於予輩亦失益友哀訃忽傳乃心孔疚塋莫執紼予莫撫柩臨風灑淚酌此卮酒

祭黃公愈宣文

嗚呼公吾之世姍也吾嫂公妹吾婦公孫情親義篤匪伊異
人公之生平吾能言之標格峻整襟度融怡富而能約崇而
自卑羸餒者賴公而舉火仇離者賴公而有依弱而良者恃
公得以自立狂而狡者畏公有所不爲所施雖不過一鄉亦
足以爲大家世族之師今公之歿也羸餒者將爲溝中之瘠
仇離者將爲中谷之摧狂狡孰爲之呵叱善良孰爲之扶持
孰知德義之所尚孰知巧險之爲非薄俗方興而未艾數十
年後安知不爲羆獍與梟鴟安得起公於九原以爲鄉邦之
文肅公文集 卷之二十七 六

表儀嗚呼生死之理吾非不知然於公之歿不能已於言者
非獨嫻舊存亡之情蓋悼老成之凋謝傷風俗之澆漓所以
灑淚而酌此一卮也

惟公祖考世以善稱公克踐脩益著令名門第雖崇謙恭自
克貲產雖裕勤儉惟德歉歲發粟惠於鄉邦義聲上聞寵命
聿彰諭以綸音錫以章服奚啻束帛賁於幽谷有子翼翼有
孫英英花封作宰璧水明經年登八袞康寧樂凱胡不耄期
遽此乎止惟我與公世爲婚姻情義之篤不讓朱陳我歸林

下謝絕塵事所冀與公徜徉山水天齋此好乃忍奪公山霞

水月誰復相從兮公將莖我適有疾不哭於堂莫助執紼言
雖有盡情則難忘楫詞敘訣以侑奠觴



祭大理卿王公文

嗚呼公之平生吾能言之其學之博也淵乎江漢之淳濤其
文之雄也浩然波濤之硤礪其剛介之操則松貞而栢勁其
純懿之行則玉良而金精其典邦計也經畫之才與韓劉而
並駕其綰郡符也循良之政與霸遂而齊名其位方伯也隱
然東藩之重鎮其臨邊疆也屹乎北鄙之長城至其爲卿於
大理也直欲追踪乎臯陶之種德蘇公之敬獄非徒若漢之
于張讞獄之得其情而已嗚呼公材旣優公行猶懿推其蘊
足以秉國之鈞摘其文可以掌帝之制惟天生公殆必有意
文肅公文集 卷之二十七 八
然而年不滿五旬位不登三事將生民之無祿邪抑宏材絕
識固造物者之所忌也嗚呼公乎其胸中之炯炯者其能埋
藏湮塞於朽壤之中乎必將祭爲列星流爲風霆或爲山河
以壯國家或爲麟鳳以昭文明豈若世之庸庸者有時漸盡
而飄零也哉嗚呼自公云亡朝野咨嗟矧於吾儕素辱公知
昔升公堂笑語怡怡今升公堂素幔淒淒臨棺一奠而侑以
此辭者蓋爲天下惜非獨感今悼昔而寫吾之私也

祭丘文莊公文

嗚呼唐有曲江世推賢相公生其鄉名德相望宋有名臣曰
崔菊坡公賢與齊而文則過公之於文齋泓演瀛孰可擬之
東坡父子公之所學淳澗澗瀛孰可擬之原父弟兄兩秉史
筆褒貶惟公敘述高簡有史漢風三持文衡痛叱浮薄軋苗
之辭變爲灑噩乃典國學教嚴道尊時之公輔多出其門乃
登內閣贊元輔德海內士民陰被其澤公在相位不見所爲
所可見者民物熙熙天不憇遺遽奪司馬士林相弔或慟於
野我昔弱冠已聞公名甲戌春試遂獲同升公不我愚每相
文肅公文集 卷之二十七 九
磨礪謂宜勉進母隳所志公有著述每俾評之且約後死則
爲銘之我之南歸握手相別臨別之言遽成永訣誼當往弔
柰老病何弗躬弗親負公實多陳此蕪詞以侑鐫俎公知我
心寧不我顧

祭憲副游公文

嗚呼游公遽止於斯邪位不登丞弼年不躋期願謂公祿壽
之未艾胡爲乎捨我而永歸邪嗚呼公之儀刑不可得而見
公之平生尚可想像而推其志節之剛毅挺挺乎孤松之偃
蹇其學問之弘博浩浩乎長江之渺瀰其襟度之和易溫溫
乎春陽之煦物其文章之純質鑿鑿乎菽粟之療飢其有志
於道蓋將尋紫陽之轍涉濂洛之涯使得及門於孔氏雖未
敢謂其升堂而入室然於道之大本其殆庶幾乎嗚呼公之
存也學者仰之如山斗寮友信之如著龜儉夫憚公而縮慙
文肅公文集 卷之二十七 十
善類賴公而扶持今其亡也學者失所景仰寮友無所稽疑
儉夫欣欣肆其惡而莫之沮善類憺憺或見義而不敢爲是
以讖與不讖聞公之喪莫不悵然痛悼而嗟略况予於公朋
友之分情誼之篤宜乎淚疾下而漣漉也嗚呼西山之麓劔
江之湄公之體魄將復於彼公之神氣則無不之臨棺一奠
侑以此詞蓋一爲斯文勸一爲友誼悲嗚呼游公知歎不知

祭伯父稼軒先生文

嗚呼昔我先公兄弟三人粵自早歲其艱其屯繇艱而康繇
屯而泰孰庇孰庥先澤攸賴先公出仕爲時富馱伯父遠際
擬跡巢由昊天不弔先公奄棄斃斃諸孤伯父是倚白首歸
然九族蒼龜一疾奄逝曾莫予追念昔如京拜公於堂諄諄
明訓佩服敢忘茲焉來歸墓木已拱追思音容曷勝感慟宿
草青青白露載零酌此卮酒清淚沾纓

文肅公文集

卷之二十七

十一

祭原司馬文

嗚呼哀哉公生於世六十有一宣力四方奮庸帝室有猷有爲有勞有烈紀於竹帛蓋焯乎其不滅也彭蠡之域龜蒙之邦肅乎秋霜藹乎春陽乃贊國討乃振臺綱懋績益著令聞不忘至於顓懷流徙輯寧荆襄則其事爲猶難而其功爲愈光初公受命而南也或沮之於內或撓之於外徼功者慮發其奸戕民者懼懼其罪惟公毅然泰然罔忿罔懟如羊祜之建議伐吳如裴度之決策平蔡乃協羣策乃詎善謀或攬轡武關之險或擊楫漢川之流攀援乎猿猴之窟出入乎虺豺文肅公文集

卷之二十七

三

之販爰告爰慰以綏以柔授之田宅戡其戈矛曾不逾時而愁嘆之聲轉爲歌謳榛莽之區變爲田疇彼馘齊民以獻捷視赤子如敵讐聞公成功徒悔恨而含羞帝念其功追加寵錫都憲尚書崇秩薦陟公宜壽考臻於大耋秉國之鈞以熙庶績胡茲遭疾奄逝莫追豈公之厭世濫埃風而遐舉抑民之無祿而昊天之不慈遺當宁震悼羣公增悲而荆襄士女如喪所親謂公歿而疇依嗚呼哀哉然公年踰六袞位列六卿有傳國史有謚太常焯德有碑虞殯有章在公所以無憾是謂雖死而不亡嗚呼昔公之來也士女喜極而歎歎今公

祭憲副李世望文

嗚呼李維著姓代襲簪纓公復秀出載振家聲學專麟經窮
幽探賸發爲詞章精華奕奕擢秀蘭省策名南官遂登上第
休聞日隆銓曹掄材爰擢柱史鰥嫠以安寃滯用理出僉臺
事於貴於蜀審審直聲士論攸屬相彼巧宦一歲屢遷公守
一官踰十八年晚陟憲副典兵西部邊塵不飛虎旅循軌蠹
茲醜類掠我土毛元戎出征誓殄腥臊公董偏師直探虎穴
屢馘兇渠載殲餘孽天不愁遺星隕將營大勛未集遽殞其
生靈輻南還暫泊湘浦俾我友朋益增淒楚徼功倖勝祿厚
文肅公文集 卷之二十七 四

位高公歿王事誰錄其勞有酒在卮有肴在俎思公不見酒
淚如雨

禱雨文

嗚呼惟予與神同蒞茲邦予所職者政教神所司者雨暘念
雨澤之不時繇政教之或斁固知咎過之在予非明靈而曷
赴愬意者某等誠敬不足以格神歟慈惠不足以保民歟羣
生怨咨恬莫之恤庶獄寃濫壅莫之伸歟典兵者徒事股削
之政牧民者未施撫字之仁歟庶官之廉慎者未能舉而諂
諛或親歟巨室之豪橫者未能誅而哀籲不聞歟咎實在予
民則何罪胡明神之爽罰俾民遘此大戾沃以腴者化爲燥
剛秀且實者轉爲枯瘁興言及此潛焉出涕然神享民之祀
文肅公文集

卷之二十七

五

猶予食民之食也民窮無告殆將置神乏祀非徒爲予之憂
責也爰叩靈壇載伸微悃惟爾有神鑒予之誠哀民之困立
雲條興霖雨載零轉呻吟爲歡聲變黃稿爲榮茂歲事有成
邦賦用登則予知免乎鑄誥而神亦永享乎嘗烝矣謹告

禱城隍祈晴文

嗚呼淫雨爲孽，洪水壅以沸也。眀畝淪沒，秋成不可冀也。室廬漂蕩，老弱無所庇也。百姓何辜，遭此大戾也。某等蒞事茲邦，兵民是乂也。意者刑政失中，感此變異也。惟神廟食茲土，歲時享其祭也。百姓嗷嗷，豈惟官之憂責，亦將乏神之祀也。雨暘水旱，神實司之。非官所能制也。躬禱靈宇，覬神恤民之匱也。神其降庥，驅屏羣陰，俾陽光昭以晰也。羣潦歸壑，曷鹵其藝也。棟宇載葺，民獲奠居之制也。四野熙熙，恬以泰也。孰尸厥功，惟神之惠也。擊鮮薦芳，報祀無替也。

文肅公文集

卷之二十七

六

禱城隍祈晴文
嗚呼淫雨爲孽，洪水壅以沸也。眀畝淪沒，秋成不可冀也。室廬漂蕩，老弱無所庇也。百姓何辜，遭此大戾也。某等蒞事茲邦，兵民是乂也。意者刑政失中，感此變異也。惟神廟食茲土，歲時享其祭也。百姓嗷嗷，豈惟官之憂責，亦將乏神之祀也。雨暘水旱，神實司之。非官所能制也。躬禱靈宇，覬神恤民之匱也。神其降庥，驅屏羣陰，俾陽光昭以晰也。羣潦歸壑，曷鹵其藝也。棟宇載葺，民獲奠居之制也。四野熙熙，恬以泰也。孰尸厥功，惟神之惠也。擊鮮薦芳，報祀無替也。

山西禱雨文

迺者自冬徂春雨雪弗降三農告病庶類焦然零榮雖勤靈
貺未應雲將合而忽散雨欲墜而復止意者喬新等事神之
敬未至歎恤民之心未誠歟兵已困而征戍愈勞歟民已窮
而聚歛愈急歟沉寃未雪而無辜困於狴犴歟巨蠹未除而
赤子厄於豺虎歟賑貸雖勤而實惠未加於民歟祈禱雖切
而誠意未盡於已歟是皆吾曹之愆而小民何罪焉茲者春
已暮矣民已瘁矣原田日就蕪矣生意日就槁矣少且壯者
適彼樂土矣老且羸者轉於溝瀆矣神於吾民何恻然無情
文肅公文集

卷之二十七

七

邪夫脩缺政以保民者吏之職也沛甘雨以濟旱者神之責
也風雨不時麥菽不藝豈惟吾曹之罪哉神亦不得辭其責
焉爰詣靈祠載陳微悃神其有知賜我嘉澤慰我疲氓俾駢
剛亦緹沾而足焉萎苗瘁槩優而渥焉則喬新等少道其咎
而神亦有攸享矣

三晉比歲曠旱嘉穀不登兵民流亡餓餒載路皇帝西顧惻然哀烝黎之無弔爰命喬新來拯疲氓而公私匱乏罔有攸措矧春氣已動雨澤未濡大懼未克有年無以上副聖心下慰民望惟神作鎮并州享茲典祀興雲雨致財用神之職也爰詣靈祠用伸懇禱神其默贊鴻造大庇吾民俾甘雨時降百穀用成流道來歸寇攘屏跡物無疵癘人用恬康則喬新獲免於旻而神亦永有攸享矣

禱禹廟文

惟王䟽鑿龍門拯茲墊溺俾我烝民克享粒食河流洛洛嘉穀芄芄萬世攸賴繫王之功惟茲三晉實王故國王念遺民拯凶弔溺胡茲兩載飢饉薦臻粒食孔艱迺至食人王聖且仁我民父母忍使蚩蚩墮茲罪罟下車而泣昔嘗聞之民羸且亟寧不憫之王靈在天誕作霖雨膏我麥苗爰及稷黍喬新將命西來齋祓以祈王神如在諒不我遺佑我殘民驅彼蝱賊梁山洛水敢忘王德

文肅公文集

卷之二十七

九

禱汾陰后土祠文

惟神厚德載物克配彼天立我丞民厥功楛焉汾陰之祠肇
自漢氏雩禳禳祈迨茲千禩行祠翼翼徧於晉封封牲薦醴
罔敢不恭胡茲三載旱魃爲虐癘鬼逞妖人困痞瘴殘民惴
惴曷遯曷依神聽甚邇寧不我哀喬新祇奉明命憫茲窮毒
陳詞以禱敢徵神福宜雲滂與沛然甘澍沃我菽麥爰及稂
稂驅彼癘鬼送諸遐方俾我遺黎式恬以康神佑我民錫茲
繁祉我民報祀曷其有尸

文肅公文集

卷之二十七

十

平陽禱雨文

山西之境薦罹旱災兵民轉徙異鄉委屍溝壑者不知幾千萬人矣喬新受命賑濟來蒞茲邦所望五氣順序羣黎安生而自春以來雨澤罕敷疫癘大作亡者未葬而存者無樂生之心道者未歸而居者有遠徙之志惟神德澤崇深世享禋祀視斯民危亟而不救何歟謂民之頑悍宜降以殃也則民已盈其罰也謂官之貪殘獲罪於天邪則不宜遷怒於民也謂喬新無憂國憂民之誠故漠然無應邪則此心之誠可以質諸鬼神也敢願明神悔過敷佑下民沛甘霖以沃焦土驅妖魘以蘇疲氓俾生意離離人心熙熙生者有養逋者以歸是則神之惠也

文肅公文集

卷之二十七

主

再禱雨文

昔關中大旱張浩養禱於華岳甘雨如注禾黍自生今三晉
之旱不減關中神之靈應無異華岳喬新祇率吏民齋沐虔
禱矣雲將合而忽開雨將墜而復止豈今之請禱者非養浩
其人歟喬新雖無養浩濟世經邦之材然素存養浩忠君愛
民之志而神漠然不答何邪伏望少鑒愚忱賜以甘澍轉歉
爲穰變疹爲祥俾愁者以喜病者以康逋逃來歸寇盜潛藏
則喬新少道其責而神之靈應益彰彰矣

文肅公文集

卷之二十七

三

三禱雨文

山川出雲雨及天下神之職也國家命祀春祈秋報爲民福也惟茲三晉薦罹凶屯臻茲極也亢陽爲虐繼以嚴霜靡康食也嗷嗷遺民徬徨四顧將安適也迨茲三春霖雨下降田龜圻也亶雲方合忽翻剗也簷溜將鳴忽聞寂也嗟孰爲之繫風伯也哀我熒獨啜其泣也雩禱禳祈心孔劇也惟神有靈胡默默也尚鑒愚忱沛膏澤也鞭雷叱風吠滄溢也俾我百穀秀且實也俾我四民拊且懌也豐年穰穰繫神德也我民報祀矢無斃也亶酒嘉牲醴且醢也幽明一理誠則格也

文肅公文集

卷之二十七

三

洋洋如在毋我拂也

平陽祭龍文

早魃爲祟嘉穀將焦徧禱羣神未獲甘雨惟神變化不測以
興雲降雨爲職者爰準古法作神之象齋戒以禱焉神其誕
昭靈貺鴻天瓢以沃焦土宣嘉澤以滌炎氛則官民受賜多
矣

文廟公文集

卷之二十七

七



平陽縣志卷之二十七
祭龍文
早魃爲祟嘉穀將焦徧禱羣神未獲甘雨惟神變化不測以興雲降雨爲職者爰準古法作神之象齋戒以禱焉神其誕昭靈貺鴻天瓢以沃焦土宣嘉澤以滌炎氛則官民受賜多矣

平陽縣志文

禱龍湫文

清冷之淵維神之官藏雲蓄雨有感斯通神飛於天雲行雨
施或潛於淵山澤明媚翼翼靈宇在山之巔吏民承祀罔敢
後先維茲晉陽亢旱已極大田如頽靡有菽麥雨陽旱澇實
神尸之民死幾盡神胡不哀膚寸之雲三日之雨神苟佑民
厥施斯溥雷以爲鼓電以爲旗千里之內甘雨淋漓俾我平
臯芑芑稷黍俾我疲民嘻嘻笑語豐年穰穰敢忘神庥吹笙
考鼓以薦牯脯

文肅公文集

卷之二十七

五

文肅公文集卷之二十七終

文肅公文集卷之二十八

廟碑

廣昌縣重修廟學碑

皇帝嗣統改元之三年夏四月同知建昌府事麻城蕭侯允恭行部至廣昌爰詣學宮祇謁先聖先師顧采梅權朽圖繪黜昧慨然太息謂廣昌名邑耆俊多此出焉而廟學不修殆非我國家崇聖道育俊材之意吾爲郡佐與有責焉敢不以修飭爲已任乃告太守三山謝公仲仁用圖改作議既克合

侯首捐俸金四百八十銖爲倡於是縣令莆陽葉君茂高丞文肅公文集

卷之二十八

一

晉陽李君季暨學之師生縣之義民祇若侯意或輸之財或助之役奔走承序以後爲羞乃僦良匠市美材斲石爲礎甃堊爲甃煉蜃爲灰筮日奏功始事于大成殿黼坐朱几廟貌孔巖旁及兩廡拓而大之自羣弟子以及從事諸儒圖像惟肖前爲正門列以畫戟外爲三門上應靈星又作先賢祠以祀鄉之先正至于齊舍庖庾之屬欹側者正之陟剝者修之丹雘漫漶者飾之侯違來蒞縣躬自督勸衆躡趨之不煩執朴經始於是歲夏六月越明年戊子春三月始考成焉殿廡

覩深門闕宏麗多士聚觀以爲它邑所未有也侯帥令佐師

儒舍棊于新宮告成事焉教諭桐廬邵君忠訓導英山段君
備湖南王君渙暨學之諸生謂侯嘉惠此邦聿新廟學不可
無辭以敬休聞相與伐石置廡下而屬喬新書之喬新竊惟
魯僖公作頌宮史克頌焉吳仲庶新潭學王臨川歌之今蕭
侯修學養士之勤殆無異於魯公潭守所建立而聲歌不作
非缺典歟迺具書其成績于碑而系之以詩以繼頌宮潭學
之聲以昭示于來世侯字某以儒發身佐郡有威惠其善政
可繼者甚多以非廟學所係故不書其詩曰

盱水之曲奕奕新宮孰經孰營蕭侯之功於維蕭侯民之父

文肅公文集

卷之二十八

二

毋蘇枯齷強惠澤孔厚華輶彭彭戾于我邦念茲庠陋顧瞻
徬徨迺究迺圖迺戒工徒迺卜迺諏爰茲暨塗有仇維門有
翬維殿丹楹藻梲罔訾彞憲我材孔良我役惟時閱歲乃成
匪亟匪遲新宮告成祀事孔明毛恡斯禴黍稷惟馨侯升講
堂衿佩濟濟或誦或絃亦文亦史侯曰勗哉敬明迺德厥德
靡修我心有感諸生拜手侯訓惟休勉焉祇服敢遺侯羞麗
牲有碑方趺圓首侯之嘉聞百世不朽

建昌府重修城隍廟碑

天下郡邑通得祀者惟城隍之神爲然蓋築土爲城鑿土爲隍凡以爲民之衛也高城濬隍固風氣扞寇攘必有司之者察民淑慝而旣福之非妙萬物而神者歟建昌城隍貯江誌謂其神乃漢潁陰侯灌嬰考之於史侯起布衣佐高皇定天下垓下之戰賊項羽東城而誅之遂渡江平吳定豫章諸郡凡大江之西皆戾提戈斬級所立功處生爲元功歿爲明神其理必有然者則司此城隍而廟食無窮者非侯其誰哉廟舊在郡之西北宋紹定四年回祿燬孳郡人聶衛公子述始

文肅公文集

卷之二十八

三

遷于城南通會門內太平寺之故基元至正壬辰爲羣寇所燬國朝洪武十年知府王偁復建自堂徂門罔不畢備永樂二年知府潘榮仲因其舊而修之迨今八十餘年棟楹棗枅漸以腐折領甃丹堊日滋剝泐成化二年春郡守三山謝侯仲仁謂廟宇傾墜不足以妥靈將事爰諮羣寮下暨有衆相與捐金積市木石鳩工徒撤而新之易腐折爲堅良革剝泐爲端潔若堂若廡以及三門凡爲屋二十間崇廣有宜文質中度左右司則仍其舊而加巧填焉又搏土以肖神像琢石以爲神座別創雲崖道院俾守廟道士居之肇事於是歲夏

四月至冬十二月乃訖功焉侯剖羊豕帥寮屬告成于神闈
境民庶聚觀贊頌凡旱澇之變癘疫之興必祈焉報焉禱焉
禳焉將事益安靈貺斯答物不疵厲歲屢豐登侯廼具廟之
本末遣耆民胡以榮屬予紀之予惟守土之職神人具依侯
自下車以來勤心庶政民旣太和又飭神宇用妥其靈所謂
惠于神人罔怨罔悞其古豈弟君子者歟廼作迎享送神之
詩遣之使并刻于麗牲之碑歲時薦獻工祝歌之以侑牲醴
焉是役也贊其成者同知麻城蕭爨允恭通判某推官某董
其役者耆民某也其詩曰

文肅公文集

卷之二十八

四

神之來兮冷然以風絳旂旖旎兮駐斯宮睠威靈兮有赫敷
佑我民兮無寤牲牷兮酒馨鼓坎坎兮瑤瑟和鳴神之所享
兮在寅清我之將事兮敢弗齊明神旣享兮遲遲風馬雲車
兮倏何之姑山之顛兮盱水之湄儼神馭兮娛嬉神不我顧
兮我心悲家有鷄豚兮野有秔稔神惠我民兮俾蕃以庶驅
厲鬼兮錫我純嘏春祈兮秋報歲復歲兮敢忘神祐

東平王廟碑

廣昌之東園有祠曰東平王廟者宋咸淳中縣令朱汝賢所立以祀唐忠臣張睢陽也按史王諱巡舉進士累官真源令祿山之亂起兵討賊與賊將令狐潮尹子奇等大小四百餘戰屢挫賊鋒後以孤城援絕力不敵以身死之當是時逆胡起河朔蹂躪河華兵旣蔓延幾徧天下而王以區區睢陽扼其衝賊死咋終不敢越而南江淮之間晏然不識兵革者王之功也王之將死也西向再拜曰臣生無以報陛下死當爲厲鬼以殺賊道家者流遂謂王受命上帝爲瘟部帥察民善

文肅公文集

卷之二十八

五

惡而賞罰焉其說窈冥蓋不可究然江淮之民慕王之忠烈且信道流之說故所在立廟水旱癘疫必禱焉其應如響東園之祠其一也永樂甲申廟圯于水正統庚申邑民始修復之時先公爲刑部侍郎記之甚詳歲久滋敝天順八年冬十一月予從兄本堅弟喬福暨耆民吳大成居士揭仲雍大覺寺僧道霖等始合衆力而新之中爲正殿後爲寢室前爲飲福之亭越明年夏六月廟成簷楹翬翬金碧絢麗柱榱嚴整劍佩葳蕤耆稚聳觀以爲有廟以來未覩茲盛道霖因子弟喬年未紀其成績夫王之忠烈無以贊爲矣論者或謂王生

鄧州死節睢陽其平生足跡未嘗履江南廟而祀之恐非先
王制祀之意是不然宇宙間屈伸變化不可測度者神也神
之所以然者氣也得其氣之剛大靈著者則爲偉人發爲忠
義之業炳然巍然不幸而死其精爽耿耿者不爲異物漸盡
復爲明神無所不之君蒿悽愴隨所在而著見焉若王是已
廟食于茲夫何疑哉初王著神南土號封累加其曰東平威
烈昭濟顯慶靈祐王者宋景定元年十一月所封也乃作歌
道之使邦人歌以祀王庶幾騰游來格降福于民焉其歌曰
桂醕湛兮瑤觴簫鼓鈞兮中庭靈連螳兮未來渺予思兮睢
文肅公文集 卷之二十八 六
之陽靈之來兮旗纛纒紛駕赤虬兮驂蒼麟霽雲先驅兮殿
以萬春歆我烝嘗兮穆且欣嗟天寶兮多屯胡騎聞兮關河
昏長蛇在闕兮龍在野悵孰掃兮妖氛靈哀憤兮援戈起彎
烏號兮射妖豕北風競兮西日蒼涼力旣竭兮繼之以死身
雖死兮精爽不亡陟降帝廷兮乘陰陽察民善惡兮下殃祥
龍岡之下兮盻之澗松筠簫慘兮綠陰承宇朝出遊兮暮來
歸越千歲兮母遠茲土屏祿賊兮驅癘鬼錫我百福兮壽且
祉靈之降福兮不那我民報祀兮終古無已

漳州重建道原堂碑

漳州治城之西北有臺屹然曰臨漳實據溪山之勝宋紹熙庚戌紫陽朱夫子守是邦登茲臺而愛之欲築讀書之室不果寶慶乙酉郡守危禎始做白鹿洞規築龍江書院于臺之下成夫子之志也淳佑丙午郡守方來復於書院之東偏構堂三楹肖夫子之像于其中配以高弟北溪陳安卿每歲春秋率庶僚暨邦之羣彥祀焉而顏其堂曰道原蓋取夫子與北溪授受之語也其後邦人復以勉齋黃直卿祔食于堂蓋勉齋亦閩人且嘗講道夫子之門者也迨宋社暨屋書院燬

文肅公文集

卷之二十八

七

于兵遺址歸浮屠氏惟堂巋然故處歷歲既久屢圯屢葺然規制隘陋棟欹摧有識者憫焉成化四年春正月福建按察司僉事臨江周君守讓行部至漳祇謁遺像周覽慨然顧謂知府英山王文同知舒城胡珉推官南城江白曰昔之思名伯者不忍伐其所芟之棠思萊公者不忍傷其所植之栢茲堂實朱子之明靈攸棲非植物比也傾圯若是是固爲政者之過予司憲諸君守臣也弗亟圖之安所誘其責皆應曰諾相與捐俸以圖新之於是僦良匠斬美材礪堅礎十日而興役焉君又爲度其面勢之宜且節縮廩餐以助其費爲堂

五間其崇三尋有奇旁爲兩齋以處游學者前爲三門以謹
啓閉肇役于是月丙戌至三月朔乃訖功焉像設有嚴繪飾
維煥郡之長貳率諸生暨鄉之薦紳用少牢于堂以告成事
焉君屬予書其事于石予惟道之大原出於天神聖繼之至
孔子而後集羣聖之大成孟軻氏歿斯道之傳殆絕周子倡
之程子和之至吾朱夫子而後紹孔氏之世嫡若黃若陳實
羽翼夫子以共振斯道於衰絕之中者也夫功被一時惠洽
一邑且尸而祝之夫子與二子有功斯道甚大而漳又夫子
過化之地茲堂之建禮實宜之繼自今以往凡登茲堂者瞻
文肅公文集 卷之二十八 八

梁山之崇秀俯清潭之泓渟而致高山仰止之思與逝者如
斯之嘆蓋將有默契神會於千載之下者乎君繇進士歷刑
部副郎遂擢今職所至有水壘聲其在漳首新茲堂蓋欲風
厲漳人向道也繫之以詩以告志於道者詩曰

大哉斯道實原於天孰克任之維聖若賢孟氏旣俎吾道日
敷紫陽崛興式贊厥緒迺摯其粹迺會其全若黃若陳與有
間焉道學載明於今爲烈質諸洙泗若合符節清漳之濱梁
山之下揭虔妥靈有堂有廡邦人具瞻胡茲摧圯顯允周君
載振而起維堂翼翼維門將將歲時薦禋牲腊醴芳嗟嗟斯

道靡古靡今有志于斯盡明厥心咨爾多士來游來歌匪察
匪由爾心式訛



匪由爾心式訛

匪由爾心式訛

福寧節孝祠碑

古之忠臣孝子烈婦遭時不幸死於所天者代有其人而出於一家者蓋鮮父子同死者古有之矣晉卞壺是也夫婦同死者古有之矣宋趙鼎發是也至若忠孝貞節萃于一門若元福寧州尹王公者曠百世不數人焉公諱伯顏字伯敬濱之霑化人也起家宣使爲祁陽令調烏程以循良稱遷信州推官數辨冤獄所全活者甚衆至正九年以大臣論薦擢朝列大夫福寧州尹至之日黜奸吏誅元豪覈賦籍均徭役修學宮以教諸生建禮殿以祀先聖福寧翁然稱治尋陞福建文肅公文集

卷之二十八

十

轉運副使會盜起徐蔡蔓延及閩羣兇相勦爲變漸逼州境民留公不得行公乃築壘門募民兵守之嚴侯望謹燧燧賊不敢犯十二年秋賊陷寧德掠羅源勢益張冬十一月賊與建寇合兵來寇公遣巡檢阮完澤率兵出禦之而命于戶嚴伯顏不花主簿陳文積守西門完澤遇賊于古縣戰敗死之嚴陳懼不敵開門先遁賊突入公聞之亟帥親兵迎戰連鬪數合不利遂被執賊帥坐州治台公詰之公掀髯歷階而升賊叱曰強盜猶作慙耶公罵曰汝本販鹽盜縣官何負於汝而反顧謂我爲盜耶賊怒叱之跪公兩手據地不爲動賊益

怒令撻之公詎曰吾爲天子吏頭可斷身不可撻遂死于東門之外立而受刃血出白如乳民哀之哭聲連巷明日賊執公仲子相及其婦潘至相罵曰吾父已死吾豈苟生者何不速殺我當爲鬼以滅賊耳賊忿其言引出斬之潘有殊色賊欲汗之時潘產未彌月不可近乃閉之空室不食數日而死寇退民歛公權厝于郭東之佛宇明年公長子積負公遺骸歸葬行臺御史余公闕以其事聞命立祠學宮之右而以相與潘侑食焉元末祠燬于火成化壬辰秋八月予行部至福寧者民林慈等相率請復公祠予因出西門觀公與賊戰處

文肅公文集

卷之二十八

二

古木樛樛寒烟蒼然溪流灑灑有悲咽聲慨然太息想見公之爲人乃以廢佛宇曰般若庵者爲公祠命縣丞劉福介葺其弊陋加之圻墳前爲三門旁爲兩廡繞以高墉塑公之像于中以相配之而置潘之像于東廡懼瀆也經始於是月甲戌落成於是歲冬十月辛未扁其祠曰節孝邦人請予書其事嗚呼公死于忠而使子死于孝婦死于貞跡卞壺趙鼎發蓋似過之是宜祠也乃作歌以遺邦人使歲時歌以祀焉其

詞曰

靈宇海穆兮烟冥冥簫鼓奏兮華燈明神馭招搖兮何許瞻

將降兮風冷冷公之來兮駕蒼螭佩吳鉤兮曳絳旗俯故宮
兮太息城郭是兮人民非松醪清兮海錯香巫屢舞兮升公
堂子來歎兮婦亦嘗公雖死兮嗟何傷一世之短兮萬世之
長龍山之巔兮長溪之涓俛而去兮忽而來瞻我民兮降繁
釐民之承祀兮終古無隳



堂子來兮... 公之來兮... 駕蒼螭佩吳鉤兮曳絳旗俯故宮
兮太息城郭是兮人民非松醪清兮海錯香巫屢舞兮升公
堂子來歎兮婦亦嘗公雖死兮嗟何傷一世之短兮萬世之
長龍山之巔兮長溪之涓俛而去兮忽而來瞻我民兮降繁
釐民之承祀兮終古無隳

新城縣重修廟學碑

新城爲縣肇自宋紹興八年割南城之東境置縣治于黎川鎮後四年乃置學于縣之異隅繇宋歷元以及皇朝學宮敝而載新者屢矣弘治壬子冬十月金壇良侯敏以進士出宰茲邑祇謁先聖周覽廟堂兩廡齋舍暨門棟宇欹傾粉繪摧剝慨然欲新之顧歲方艱民方病未暇有作越二年歲豐民樂政舉化流迺謀於縣丞黎君某主簿祝君某及里居之賢者曰縣令民之師帥兼治教之責焉今學宮頽圯若是殆無以養士而淑民盍思所以新之乎丞簿皆曰是誠不可後也

文肅公文集

卷之二十八

三

方圖興事邑之富而好禮者胥告語曰吾侯此舉將以納吾民于禮義之域吾曹衣食幸有餘盍助厥成之乎於是義民涂汝謙建櫺星門砌泮池耆民朱時寧甃學前通衢俾行者無灑污之患里民楊嵩塑先聖像改造龕座鄧廷璋陶甃甃戟門暨兩廡前陰陽訓術涂汝校建鄉賢祠宅若講堂露臺從祀羣賢之像庖廩之房藏書之庫師儒之廨諸生肄業之齋則侯與丞簿二君節縮冗費規畫美財以成之工善材良並手偕作始事於某年某月某日迄工于某年某月某日旣成像設孔嚴規制宏麗宅邑學宮未能或之先也侯卜日用

少牢于文廟告成事焉教諭葉君鳳靈訓道陳君某范君某
相謂曰昔魯侯作泮宮詩人頌焉文翁興學于蜀漢史美之
今段侯修理學宮而寮佐協贊邑之耆彥亦丕應以相其成
是不可無紀也乃具其事屬蒙陰丞涂達請予書之予素知
段侯廉惠明果凡有興作民不勞而事集而達又予族甥也
乃詳書其事而系以詩曰

黎川之隩學宮渠渠孰作新之惟邑大夫於維大夫蒞茲百
里永惟治本敦學爲始迺咨迺詢迺計徒庸爰新學宮以牖
民衷自堂徂門自殿徂廡修廣質文罔浮于度長衢如砥高
文肅公文集 卷之二十八 西
門有仇泮水汪汪蘋藻其芳侯曰髦士其聽予言修學匪艱
懋學惟艱士曰曷哉是訓是履敢有怠荒貽侯之耻日峯蒼
蒼黎水湯湯侯之德音百世有光

贈太子少保彭惠安公祠堂碑

弘治八年正月十有三日刑部尚書彭公以疾卒于家計聞天子嗟悼特贈太子少保謚惠安命官諭祭者再有司治墳塋以葬郡學舊有鄉賢祠大夫君子既爲公作主祀之其中而國子監丞林君大猷大僕寺丞吳君世騰暨莆人之在朝者相謂曰惠安公一代之偉人宜有專祠俾後學有所矜式迺與其里居之賢作祠堂若干楹于所居之里中奉公像左右廂藏祭器遺書而以書屬予紀其事予與公嘗同官且回志者也不敢辭公諱齡字鳳儀世家莆田之涵口自少莊重

文肅公文集

卷之二十八

五

好學稍長學問該洽議論醇正一時學者皆推重之登天順

丁丑進士除刑部山西司主事丁內艱服闋改廣東司遷員

外郎大臣有自他途進者公上書言之坐是下制獄朝臣多

抹之者得釋久之遷郎中成化庚寅陞四川按察司副使尋

陞按察使又陞廣東布政使中官有家在廣東者公言其恣

橫坐是調貴州甲辰擢右副都御史巡撫南畿召爲大理寺

卿未至坐論鎮守內外官貢獻非宜道改右副都御史巡撫

畿內兼理邊務今天子嗣位召爲刑部右侍郎屬浙西不靖

奉勅往平之尋以本官兼僉都御史整飭鹽法既還會朝廷

以水災求言公請厚根本減役錢正近侍慎官爵士皆嘉納
改吏部左侍郎壬子夏陞刑部尚書明年以疾連章乞罷遂
得命致仕初公爲郎官論囚嘗求生之然元奸宿豪雖權貴
交囑不少貸及居外臺凡大吏貪縱者治之甚嚴而小官誤
犯者多所開釋巡撫南畿議者謂周文襄公後惟公可繼之
而律已之嚴出納之慎文襄不及也畿內多皇莊其中官典
守者往往怙勢病民聞公至憚其嚴肅皆自戢其臨邊督耕
戰嚴守備 不敢窺塞垣爲大司寇有犯罪者叅錯訊問多
所平反嗚呼公以節行文章著聲于時其行已爲政務以古
文肅公文集 卷之二十八 六

人自期待士君子識與不識皆企慕之然亦不勝儉壬之媚
嫉也故屢中以奇旤或下獄或改官雅知公者猶以爲好名
賴列聖仁明卒保全之致位六卿至其歿也贈謚之典祭葬
之禮視當時大臣有過無不及焉嗟夫古今忠賢能得此者
幾人哉公有二子長澹鄉貢進士次瀚嘉興縣丞皆先公卒
一孫曰輔尚幼公之世系履歷之詳具載隧道之碑亶堂之
銘予可畧也特紀其志節之大者以貽諸君子尊賢尚德之
心又系以楚聲俾莆人歲時祭祀以旂之其詞曰

吁嗟夫子兮端潔而好修日孜孜而靡勌兮惟道是求上游

淵源於洙泗兮下黎榘屨於韓歐何厭世之太蚤兮駕丘醫
而遠遊層城高寒兮曷足久留盍歸來兮徜徉故丘壺山之
巖兮有蘭有芷涵江之涯兮有魴有鯉丹荔黃蕉兮甘且美
素馨黃菊兮香旖旎夫子歸來兮其樂無已撫汝孫曾兮慰
我朋友騎箕尾而上下兮乃稅駕于此采溪毛以薦芳兮酌
甘露以當醴夫子不我顧兮我淚如洗歸來歸來兮毋遠柔

梓

文肅公文集

卷之二十八

七

范氏先塋碑

洛陽之萬安山下宋資政殿學士贈太師魏國范文正公之墳在焉其子將作監簿純佑丞相忠宣公純仁右丞恭獻公純禮龍圖閣學士純粹皆祔葬其間公塋距今三百餘禩塋域榛蕪樵牧不禁石麟偃卧宿莽中而吐隸或墾其隄戶過者傷之成化乙未夏四月公之十二世孫家吳中者曰從規詣巡撫南圻都憲洛陽畢公陳其狀畢公移書巡撫河南都憲江浦張公屬修之公曰噫文正公一代偉人也凡所憇之樹尚當愛護而封植之况體魄所藏乎亟下令正其塋域禁文肅公文集 卷之二十八 天

其樵牧且命叅政孫君伯大叅議蔡君克存副使王君廷秀僉事馮君景陽督守令治其墳因其幽竈斃以堅甃制其輿草樹以嘉木繚以峻垣表以綽楔又爲祠三間以爲公子孫歲時拜掃之所於是公之體魄永有攸寧矣從規偕其族兄希紳自吳走洛展省先塋用少牢于祠下以告成事周覽壤樹愴然與感因相語曰先塋榛蕪殆百年圯而復完繫二都憲暨藩臬諸君子是賴不可無識也廻琢石置祠下請予書其事夫公之盛德峻烈史有傳隨有碑名儒峻賢有論述奚取予不腆之辭哉然嘗論之宋有天下三百年賢相昉漢唐

爲多而紫陽朱夫子獨稱公爲第一流人物何邪蓋昔之賢
相或功業焯焯而學術無聞焉或文章名世而相業不滿人
意若公者可謂兼之矣自漢以來諸儒未有知中庸之義者
公當洛學未興首勸橫渠張子讀中庸是蓋灼然知其爲傳
道之書所學固已絕由千古矣至其推之於用也居諫垣以
騫謬著爲郡守以惠政稱臨邊圉而威震于魯晚登政府
又欲堯舜其君民以成其先憂後樂之志彼蕭曹房杜以及
王寇諸公所建立有是哉宜朱夫子以人物第一流許公也
瀧岡之阡以其子之賢至于今母敢壞况公之塋邪予旣書
文肅公文集

卷之二十八

九

其事并作迎神送神之歌以遺范氏子孫俾拜掃者歌之以
侑牲醪焉其辭曰

樊之里兮洛之許松楸櫛櫛兮有封若斧靈之來兮駐雲輶
鼓坎坎兮巫屢舞靈宇沕穆兮風冷冷蕙肴香兮松醪清覽
故丘兮增歆菜蔬多兮蘭杜零左忠宣兮右恭獻父子一堂
今飫以宴願遲遲兮母遽旋愴予懷兮淚如霰

靈之旋兮香何方飈馭翩翩兮雲路長袞衣爛兮赤鳥几几
陟且降兮帝之傍天下之山兮白雲泉怨夜鶴兮啼春鶉桀
蒼虬兮駕宣鷲朝出遊兮暮來還靈之在天兮儼若存錫多

社兮啓我後昆會若亶兮永承祐春秋拜掃兮奠蘋蘩

文肅公文集

卷之二十八

三

文肅公文集卷之二十九

神道碑

故榮祿大夫刑部尚書謚康僖陸公神道碑

刑部尚書省庵先生陸公以成化八年秋七月致仕歸四明家居十有七年爲弘治二年公有疾是歲九月十有四日卒于家享年八十有一寧波府以聞天子嗟悼命禮部考行易名賜謚康僖翰林院撰祭文下浙江布政司遣官諭祭其家府若縣助其襄事以歿之明年某月某日塋于鄞之西山桃源鄉之原啓夫人婁氏之窶合而窆焉嗣孫仁不敢違喪次

文肅公文集

卷之二十九

一

從子鄉貢進士坡奉夏官郎中同邑洪公子經所述行狀至京請吏部左侍郎彭公鳳儀銘其墓右侍郎雲間張公時敏爲之傳而以隧道之碑屬喬新蓋三人皆公故吏云喬新辭曰康僖公朝之耆德宜得當世有德有言者銘非小子所能稱坡泣而言曰子先公所器重且知先公行治最詳敢因請喬新不獲辭乃序而銘之公諱瑜字廷玉姓陸氏本顯項之子陸終之後代有顯者宣公贊以文學謀猷相唐中葉公實其喬也宋有諱升之者提舉兩浙鹽課徙居慈谿歷五世至

諱元者又徙鄞之月湖西里公之高祖也故今爲鄞人會祖

諱義元台州千戶祖諱睿考諱應吉再世不仕皆以公貴贈
資政大夫刑部尚書母陳氏繼母黃氏皆贈夫人公生于永
樂己丑八月晦聰悟夙成稍長從鄉先生孫尚珩習舉子業
有聲場屋弱冠登進士第奉使湖南徵發海艘水手舵工率
禮慎法無毫髮詿吏議丁繼母憂服闋除刑部山西司主事
時郎中仲閔爲之長知公爲偉器每舉洪武永樂間法比沿
革告公且曰子他日必大用不可不知國朝舊典也故公於
律例條格究心焉及公大用每舉仲君之言戒勵屬官差盤
內帑貨幣勾較精密中官無敢欺隱者遷廣西司員外郎正
文肅公文集

卷之二十九

二

統九年歲旱英宗皇帝慮天下獄多寃勅公往淮揚蘇松等
十七郡審錄繫囚公悉錯訊鞠務求其情廬州大家僦匠構
居室供饋甚薄匠恨之以里諺有丁倒戶絕之說乃以丁插
蒜瓣中置子梁間主翁得之執匠訟于府府坐匠魘魅當死
公言律法造魅符書呪詛者以謀殺論插釘蒜中非符書亦
無呪詛法不當死坐匠他比其平反多此類諸郡繫囚得釋
者三百餘人改從輕比者又千餘人大司寇金公語寮屬曰
陸員外克體朝廷欽恤之意矣遷貴州司郎中丁資政公憂
服闋改四川司郎中景泰三年陞山東布政司右布政使齊

魯荐飢貧民相率持杖發巨室廩粟前使坐以強切當死者三十六人公曰民苦飢攘粟以延殘喘耳改坐白晝搶奪而三十六人皆不死河決張湫朝命僉都御史徐公有貞塞之徐公諉公督其役時工匠集者數萬公爲設方畧編荆爲筐實以土石沉而築之水患遂息尋轉左布政使天順二年冬以李文達公薦徵拜刑部尚書及延謝英廟見公奏對洪暢進退雍容語左右曰刑部得人矣公久居法曹練達國家典故凡有大獄屬官不能決者質于公則曰某時某所犯類此退索故牘閱之年時無少差時錦衣衛指揮門達怙寵作威

文肅公文集

卷之二十九

三

弘農衛卒誣指揮李斌與其弟健謀反事下達鞫之達煅鍊以爲反狀已具奏請會三法司審問衆相顧莫敢異論公獨言其寃達怒語侵公公曰法司所執者祖宗之法耳吾何敢捨所執法枉人以滅族之罪邪達不從譖公欲出反者上知公無他曰彼欲重慎耳及奏上誅止斌兄弟而免其妻子曹欽反武夫希功者執其個人送官以爲逆黨凡數千人公從容語都憲李公曰欽之反起於倉猝個人相去或數百里安得與謀公奈何使數千人無辜而死并籍其家耶李公以爲然於是個人皆不坐上素重公或獵近郊或遊上苑輒召公

從行禮遇優渥憲宗皇帝初開經筵公與羣卿侍講有白金文綺之賜成化三年夏尚書九載滿上疏乞致仕上曰卿才識老成朕方倚任所辭不允復任五年忽感風疾甚劇上遣中使臨問御醫療疾賜以酒米食物疾少間復乞致仕上不允特免朝參仍理部事越兩月疾復作又上疏懇求謝事上乃許之辭之日賜寶鈔千貫公抵家以象石詩酒自娛別號鑑湖後遇聖慈仁壽太后徽號禮成推恩致仕之老進公階榮祿大夫榮祿階一品非奉特旨不授公所被蓋殊恩也惟公端亮而有容寬裕而有制觀其容止醜藉進趨安雅知其

爲有德者也爲刑部尚書十有五年其明習法令如漢薛宣而無煩碎之失其練達典章如漢胡廣而無與世浮沉之譏其能斷大事如唐姚崇而挾數獻諛有不爲也屬官賢者禮之如賓友其險且暴者馭之甚嚴及其改過則坦懷待之不追咎其既往人以是德之門達素與公不合及達敗言者欲寘之死李文達訪公公曰達典制獄任情輕重不可謂無罪然跡紀綱馬順則有間矣文達然之達卒不得死都御史寇深暴戾自用每會審罪囚強辨巧詆衆無敢違者公徐一言據理正罪深不覺自誦先娶王氏贈夫人後娶婁氏封夫人

皆先公卒側室李氏潘氏一子竣國子生早卒無子以從孫
仁爲嗣女一適同邑袁孟慤尚寶卿忠徹之孫也所著有笑
苑秋臺稿藏於家初先冢宰爲刑部侍郎公與廬陵蕭文昭
公皆爲先公所敬愛曰廟堂之器也其後公爲刑部尚書文
昭爲南京刑部尚書世以先公爲知人銘曰

昔在英皇治底丕平眷求哲人式典祥刑哲人伊誰維廉信
公有學有文有德有容始官郎署克著茂績繼典東藩賢聲
孔赫皇曰汝來作朕士師惟茲臣庶汝其于治公拜受命克
明克恭弼教棐彛俌于中孰疑不辨孰冤不直彼暴且傲
文肅公文集 卷之二十九 五

公以柔克憲考嗣服率謀從德祗迓天休繫公之績公曰老
矣乞臣之骸惟聖眷留久乃許歸公雖歸休恩眷不忘一品
之階卽命于鄉壽登八旬爲國黃耆逝從二聖陟降左右公
則逝矣悠悠我思欲考公德跡此穹碑

太子少保都察院右都御史贈榮祿大夫太子太保朱公神道碑

成化二十有一年夏六月太子少保都察院右都御史朱公以疾不能朝憲宗皇帝命太醫視疾中使賜酒米撫慰甚厚秋七月十有二日公卒于時雍坊之第事聞上嗟悼詔贈公榮祿大夫太子太保又命中使賜楮幣萬緡爲喪費給驛舟歸其柩于家有司爲治塋事自聞喪至窆皆遣官諭祭明年冬十有二月某日塋公子其鄉高坡之陽卒後四年公之子守蒙奉令南京禮部尚書蔡公所述行狀詣予拜且泣曰先

文肅公文集

卷之二十九

六

公之歿荷先帝寵光哀榮兼至矣惟是隧道之碑未有文懼無以昭示于後知先公者莫如先生敢泣血以請蓋公布政福建時予方佐閩臺及公典憲內臺予亦入佐秋官辱公知愛最深誼不可辭乃敘次而銘之按狀公諱英字時傑郴之桂陽人也曾祖希尹隱居不仕號竹園處士祖攀麒廣西陽朔主簿考思諫亦不仕及公貴祖若考贈資政大夫都察院右都御史妣胡氏贈夫人公少孤母夫人鞠而教之稍長遣入邑庠爲弟子員克自砥礪有學有文登正統乙丑進士第大司馬鄭忠肅公深加器重曰吾鄉老成凋謝殆盡負重致

遠者吾於子有望矣擢監察御史激揚有聲十四年處州賊葉宗留反其黨周曰松等四出剽掠朝廷慮其與閩寇合遣公與中官分守要地公榜諭脅從示以旣福降者甚衆又以計生致明松等數人械于慶元讞報賊首黑面大王領衆三萬來刦明松等中官大懼欲走公不可卽令所司誅明松等尸于市賊聞之遂逡遁公乃募壯勇據阨塞遠斥候民賴以安賊平還京都督汪全以賊嘒之貴縱家人奪民田公與諸御史劾之景皇帝責全而歸其田于民中官姚廣單增怙寵恣橫公又率同列劾之皆抵罪會有獻議易皇儲者召羣臣

文肅公文集

卷之二十九

七

入議公與給事中林公季聰上書力陳不可繇是悟執政意俄有詔風憲官被告許者皆外補公上章極論其非執政益忌之尋遷廣東布政司叅議嶺南寇亂之後閭巷蕭然公撫凋瘵拾流亡寬徵斂理寃滯民用蘓息奸民避役者率役司府爲隸卒主者納其賂而庇之多者百餘人少者亦七八十人公痛革之怨毀不恤也又立均徭之法等其貴產厚薄以輕重其役吏民稱便嗣蠻爲亂公撫之不聽乃進兵勦之其黨棄賊先降者百餘人大帥欲悉誅之公力持不可誅首惡

數人而已英宗皇帝旣復辟凡諍易儲者皆得優賞公嘗至

京林公已遷都憲語公蓋自陳吾爲之証公曰向日之言吾職耳豈覲後福耶卒不自言君子肆之都憲葉公與中巡撫兩廣其治法征謀與凡興革予奪之宜多諮於公兩廣合兵勦賊葉公屬公督察奸弊先是叅將范信以兵會勦大藤峽信利剽掠馳至廉橫間誣宋泰永平等鄉居民皆賊黨屠戮殆盡至是又欲并進城等鄉屠之以爲功公力爭其非辜且遣間使請葉公亟班師諸鄉民始免屠滅之慘又有告廣州半湖堡民謀亂議者欲遣兵屠之公知其寃又力爭以免潮賊羅留寧等寇掠郡縣公奉臺檄討之官軍執脅從者欲盡

戮之公曰良民也諭而遣之又別置營以處被掠女婦兵罷訪其家歸之蓋公屢破劇盜誅止其魁脅從賴以全活者不啻萬人巡撫上其功遷本司右叅政且賜綵段寶鏹丁母夫人憂解官歸居廬三年恒蔬食一日偕親族省墓渡瀆有巨魚躍入舟因取以薦人謂孝誠所感服闋改陝西叅政固源熟菴滿四反朝命都憲項公忠帥兵討之項公檄公督饋餉凡用兵方畧悉以訪公暨賊平公之謀畫居多成化五年陞福建右布政使福建八郡歲輸大青大綠非土所產常厚價

買諸宅省吏並緣爲奸青綠一斤至科銀十餘兩公減其三

之二擇屬官廉能者總收之買以輸官民免苛歛提督市舶
中官死鎮守太監分其餘貲遺藩臬公力辭不能卻乃受而
輸于官八年遷陝西左布政使十年春陞都察院左副都御
史巡撫甘肅公首陳安邊十事大約欲練兵積糧興屯田彙
諸番皆切於時務又陳十事如徙居戎簡貢獻謹烽燧防間
謀亦常慮所未及又遷拔偏裨授以間職如玉璽劉晟後皆
爲名將上以兩廣久困于兵命公總督軍務兼理巡撫兩廣
用兵以來戎帥喜邀功每有小寇輒張大賊勢覲用兵得成
其私公深知其弊下令撫緝猺獠各安生業約飭將士寇來

文肅公文集

卷之二十九

九

在吾不許輒進兵諸峒氓有倡亂者購首惡誅之而釋其黨
田州知府岑溥與其叔恩平知州欽內屬久有頭目黃明者
恣溥祖母而離間其叔姪劫衆以叛總帥請用兵公曰何事
於兵吾將使岑氏送其首耳乃遣間使密諭欽誅明以雪家
門之耻欽感泣遂斬明父子傳首軍門他如天河荔浦潯融
間皆巨盜巢穴莫不畏服乞供職貢事聞上賜勅褒諭陞右
都御史食從一品俸交趾侵老撾連歲戰爭衆疑其謀入寇
勅詢公處之之宜公奏曰交趾蕞爾小國不過與老撾爭地

耳遣使諭之彼當悔悟不可輕用兵上用公言交人感愧上

表謝罪且貢方物兵部尚書缺廷臣薦公補之上以兩廣方
安公政不果用公居兩廣幾十年上念公久勞于外乃召入
掌臺事公又懇辭上曰卿材識老成練達有年宜勉副委任
乃就職未幾六載考績上遣中使賜公羊酒寶鐵尋加太子
少保會有星變詔求直言公首陳入事多人所不敢言者上
皆納用及公有疾予適奉勅賑飢晉陽公聞予遣使奏事召
至寢室手書勉予大畧謂民飢盜起可憂賢者所當努力無
一語及私時公病已亟字半不成越二日而公歿嗚呼豈非
所謂忠愛之心斃而後已者耶公平生好學政暇手不釋卷

文肅公文集

卷之二十九

十

所著有澹庵紀年誠庵奏議認真子集凡若干卷娶胡氏封
夫人子男五曰守孚刑部郎中曰守頤曰守謙曰守蒙鄉貢
進士曰守賁縣學生女四千戶葛勉冠帶義民宋志淵縣學
生歐守雄其婿也一蚤卒孫男十四玘瓏皆國子生瑯瑒瑤
璋皆縣學生瑤珙璠璣璠璣皆未仕孫女五嗚呼公有
弘裕之度有通敏之才有剛介之操蒞官所至皆有赫赫聲
至於誅剪羣兇而全活脅從者以萬計人尤以爲難惜夫宦
轍所歷多在外服不克究其用晚始還朝而公已老矣然觀
其所就非所謂名世者耶予旣論次其事系之以銘曰

於昭皇明克對于天天維純佑賚以忠賢粵若朱公維那之
傑出入臺省有勞有烈爰初筮仕憲度是司儲宮之議抗言
靡隨乃叅名藩敷德釐政蘇枯雍強小大胥慶乃都方伯政
尚中和盜遁奸革黎民頌歌述彼河西外控戎羗節鉞往蒞
相率來王嶺海之陬蚤獠攸聚畏威懷德稽首承敘帝曰來
歸掌我邦紀嘉謀嘉猷用弼我理立朝謇謇帝方倚毗胡不
黃耆天遽奪之寵祿光大世則多有孰克如公哀榮終始高
阪之原桓楹峩峩石可泐也公名不磨

資政大夫刑部左侍郎曾公神道碑

弘治四年春正月十有五日刑部左侍郎曾公以疾卒于家吉安府以聞聖天子嗟悼特命江西布政司叅議李魁諭祭工部主事張瑞營塋費皆官給時公致仕十有八年矣公之子夔奉翰林侍講劉君景光所述公行狀請予銘其神道之碑適予致仕將南歸謝曰公未塋也姑俟塋而圖之六年春正月六日夔等塋公子縣南小馬坑之原夔旣釋服又詣予家申前請乃敘而銘之公諱翬字時升世居泰和之上模曾祖德榮賢而蚤世祖存吾考忠良再世不仕而以德義聞俱

文集公文集

卷之二十九

十一

以公貴贈刑部左侍郎妣劉氏繼母郭氏俱贈淑人公幼穎敏嗜學書一過目終身不忘稍長習舉子業援筆數千百言立就鄉閭爭延請爲塾師宣德壬子以書經中江西鄉試明年會試中第二名廷對賜同進士出身觀政工部奉部檄往陝西治永興王塋事規畫有方事竣如期藩臬故舊餽遺悉悉拒不受歸謁少師楊文貞公文貞知公拒餽事大加獎慰除刑部山西司主事公治獄證逮訊鞠務求其情老於法家者自以爲不及丁父憂去服闋改稱部浙江司正統七年海寇作亂沿海衛所多以無備僨事英廟命戶部侍郎焦公往

飭兵備焦公奏以公從行凡將士有臯者悉屬公治之而守戰方畧一惟公言是用及還焦公語朝士大夫曰曾主事有猷有爲可大用也文貞公聞焦公言亟欲薦擢會臺不果九年陞陝西司員外郎大司寇金公濂以諸司奏牘浩穰命公典之獄有關權貴者諸司或跼踖不敢治金公常以屬公無所左右一斷以法由是賢聲益著秦府誣奏巡撫都御史陳僖敏公私于樂婦朝論疑駭公逮樂人治之立得其情遂劾奏者妄而白僖敏之誣尋陞湖廣司郎中時有例方面有缺命大臣各舉所知先公時爲吏部侍郎素知公賢遂以公

文肅公文集

卷之二十九

三

薦陞廣西布政司右叅政廣西租賦多逋徵督苛急民不堪戎伍逃亡而冒支糧餉如故公乃稽逋租之籍諭令漸輸戎伍實數停其冒給繇是邊備漸充思明土官知府黃錄與都指揮黃鉉族兄弟也鉉殺錄父子詐言爲盜所殺獄久不決公奉臺檄會勘鉉以黃金二十斤賄公請緩其獄公拒不納具奏其臯會鉉以陰謀得脫且徵用之衆爲公危公自若也太平府與交趾鄰承樂中運鹽以餉征交之師及兵罷鹽留太平府歲撥民丁看守民苦之公曰鹽倉消耗多矣奈何猶

累守者邪具奏以鹽折俸而罷遣守者民皆歡呼丁郭淑人

憂去服闋改河南時清軍御史務多得軍以補伍公與共事
嘆曰兵民異籍豈可誣也有可辨者輒爲辨之會言事者謂
天下多冤獄請委官審辨河南以屬公公精察詳審多所平
反英廟復辟公來朝因言每歲兌軍糧運至臨清倉復出兌
軍出納多弊乞改水次兌爲便上允所請至今行之南陽
諸縣多流民衆議一切驅逐人情洶洶公曰彼不避徭役耳
急之且變生遂與巡撫協謀止之衆乃安天順五年陞山東
右布政使所居官署相傳有妖前任者不敢居公居之不疑
既而妻子歿于署衆因勸公他徙公曰死生命也妖何能爲

文肅公文集

卷之二十九

丙

山東舊苦塞河之役又荐罹水旱公殫心賑恤凡河役所需
多方區畫不以煩民曹州奸氓有指民新墾田爲無糧者以
獻戚畹部使者檄公丈量公曰舊令許民墾荒永爲世業今
欲丈量起科得無不可乎部使者深然之遂止成化元年轉
河南左布政使河南人皆喜曰吾父母來矣荆襄盜起公念
朝廷出師征討必道河南預命郡縣儲糧餉具芟芻兵至給
之民以不擾歲飢民缺食而賞軍需銀數萬兩公私無所措
公會計開封倉糧甚多乃出官糧百餘萬石平價糶之飢民

賴以濟而軍賞亦無缺四年陞刑部左侍郎仍給從二品俸

明年憲廟命公巡視浙江許便宜行事公徧歷郡縣聞民疾苦考吏治得失庶官以不職黜者數百人皆以爲當所旌異者如何宜李嗣阮勤劉喬等後皆爲名臣省重役減官租謫奸吏禁刁訟局匠死絕者減其歲造之額銀塲礦絕者停其歲輸之課官司冗濫者革之巡徼當設者增之民皆稱便踰年乃歸中貴皆寵殺人事覺公具奏逮治奏上不報衆爲公危之越三日奏下卒從公請部臺科道皆吐舌以爲難九年公自陳老疾懇乞致仕上念公實多病許之及辭特命光祿寺賜宴公既抵家絕跡不至城府每風日清美徜徉泉石間

文肅公文集

卷之二十九

五

歌詠以自適巡按藩臬議歲撥皂隸四名送公家供役公辭不受會有詔文臣致仕者五品以上進一階廉且貧者歲給半俸有司以告公奉例進階資善大夫卒辭俸及得微疾子孫侍者覺稍異問所苦公笑曰吾今日得正而斃矣誦曾子啓手啓足之言溢然而逝元配蕭氏封宜人贈淑人繼室亦蕭氏次室高氏子男四曰莊六合縣學訓導曰慈蚤卒曰夔縣學生曰蓋未仕女二長適陳琪次適蕭乃匡孫男五長慶福建布政司都事次磨縣學生次序次磨次廣女三曾孫男

六南岡岡前女一玄孫男二戡戡女一鳴呼公廉慎君子

也清臞若不勝衣及其有所執萬夫莫奪不可以禍福動也
自入仕以恬退自守深耻奔競爲郎中時或語以一造大臣
門公卿可立致公笑而不應其執法未嘗少徇或謂非保身
保家之道公曰吾所知者法耳他非所恤也公之位不滿其
德故施於用者不盡所蘊然所謂古之大臣者公無愧焉公
別號省軒晚更號龍坡居士所著有龍坡集系之以銘曰

維公先世肇邦于郟迨其季葉去邑爲曾子孫南遷不顯亦
世實生名卿卓哉偉器爰初幼學道藝是勤發爲文章纘藉
彬彬迺領鄉書迺登高第羽儀曹官屬鵝鳩氏民有不穀自

文肅公文集

卷之二十九

六

罹于刑公心仁恤維求其生迺佐名藩遂都方伯邕桂浹濟
咸濡滯澤皇有恩命俾佐士師不縱不苛婉美臯夷寵眷方
隆遽求謝事從容嘯咏文水之涘嗟時大臣有卿有公哀榮
之典孰與公同曷克承茲亦維公德其德伊何廉惠正直墜
道如砥穹碑峩峩清風懿行百世不磨

中憲大夫都察院左僉都御史高公神道碑

成化二十一年秋九月十有九日都察院左僉都御史高公以疾卒于家有司以聞憲宗皇帝遣江西布政司叅議林同以牲幣諭祭焉公卒之三年爲弘治元年太子太保兼兵部尚書余公請于朝謂公居官以廉慎稱且有平閩寇功宜命有司爲治葬事天子允其請特命有司治其塋域于縣之某山之原公之子鵬卜以是歲某月某日葬旣詣闕頓首謝乃捧監察御史鄭君惟桓所述公行狀請予拜且泣求銘公隧道之碑蓋以予與公同薦于鄉同官于朝而鵬又嘗從學予

文肅公文集

卷之二十九

七

弟喬壽知公最深故也予辭不獲迺敘而銘之公諱明字上達世家信之貴溪其先有諱仁者仕唐爲福建觀察使實公遠祖諱觀仕宋爲國子學錄以道學鳴作桐源書院以淑其徒曾祖諱元杰祖諱則銘再世不仕皆以端厚稱父諱吉昌以公貴累封中憲大夫都察院右僉都御史母鄒氏累封恭人公自幼以孝聞年十三恭人病甚公焚香籲天請以身代又割股肉投粥中恭人食之頓愈稍長補邑庠生篤學不勸爲文以理爲本不爲浮豔之詞景泰庚午領江西鄉薦明年登進士第試政都察院未幾擢山東道監察御史彭城李苟

等苦官吏貪暴訟于朝事下御史臺時越訴者例謫戍邊公
奏曰謫戍之例爲妄訴者設苟等訴不誣法當杖康定皇帝
從之因著爲令朴祺趙釗等爲詆言吏欲邀功執其黨數十
人誣以謀反獄上公曰此愚民慮以詆言足矣又致其反何
刻也繇是其家屬皆獲免巡按河南黜汙暴誅兇頑風聲凜
然郡縣寃獄吏不能讞者悉爲辨之黃河南徙民耕其填淤
者敢收數斛吏議使民計畝輸稅公不可曰河徙不常異日
平陸復爲巨浸耕者何以供稅議者乃止及還朝適邊報沓
至公奉勅督邊餉人皆趨令靡後期者都御史寇深剛愎自
文肅公文集 卷之二十九 六
用屬官少當其意者尤忌江右人獨於公敬愛無斃凡大獄
大政惟公言是聽章疏當上者俾公具草焉英宗皇帝旣復
位天下藩臬郡縣百司來朝監察御史趙銘等劾其罪而彈
文出於公上怒其觸諱命中官詰草奏者衆懼莫敢對公毅
然曰彈文實出明手銘等無與中官入白之上顧左右曰賢
御史也釋不問忠國公石亨以擅權得罪言者劾其不軌上
命公與錦衣衛指揮門達籍其家公語達曰亨非有反謀其
僮僕不當從坐達然之遂同以實聞得免者四十餘人尋陞
大理寺丞凡獄情矜疑者參錯訊鞫多所平反憲宗皇帝嗣

位遷南京都察院僉都御史時南臺以去輦轂遠慮度稍墮而百司亦多自恣公振風紀明法令痛斥庶官之貪暴者南都肅然會潘雨彌月公上章言此皆陽微陰盛之徵宜修德以回天意上嘉納之袁民販私鹽者縱橫江上商旅幾絕勅公勸之公遣南臺御史顧以山戴琥往捕授以方畧擒賊首九百餘人長江以清行舟無阻公念二親老連章乞致仕未允又三疏乞終養上乃許之居無何二親相繼逝執喪哀毀幾不能生戊戌上杭盜起兇醜日熾詔起公于家改左僉都御史賜勅許以便宜從事公力疾而行至則先揭榜諭之賊

文肅公文集

卷之二十九

九

恃險不服乃遣兵搗其巢穴馘其渠魁撫其脅從又以上杭之溪南里實盜淵藪乃析爲永定縣以統釐之於是汀漳之間晏然公以冠平又上章乞歸上憫公久勞瘁鄉乃許謝事旣歸絕口不談官府事惟與子弟及縣之俊秀講論經史而已給事中虞璠大學生袁慶祥等皆上章乞起公用之然當道多與公不合者故卒不用公生於永樂壬寅十一月二十五日至其卒得年六十有四娶徐氏初封孺人再封恭人側室吳氏子男三長鸞蚤夭次卽鵬邑庠生季曰鴻女四適張留埧周珮宗室輔國將軍辰渠其一則適御史惟桓卽狀公

行者惟桓蚤從公學故公以女妻焉所著詩文散軼惟終養
錄征閩錄安宅錄傳于家初公奏乞歸養曰無才一宜退有
疾二宜退親老三宜退故自號三宜及自閩歸語人曰國家
有事宜再起事竣宜再退更號五宜歸歿索筆大書曰平生
無一事欺天至死全百骸歸地命鵬揭于柩前嗚呼公之爲
人兩言盡之矣銘曰

於赫高氏維信開家爰初學錄樹德振華顯允中丞克紹厥
祉允哲允文乘時奮起乃擢御史玉斧鐵冠風節矯矯嚴而
不殘乃丞大理平反庶戮漢有張于公繼其躅乃陟南臺憲

文肅公文集

卷之二十九

三

度是宜雍荒彌曠畿甸肅然函封亟上曰有老親俾歸終養
繫帝之仁閩有狂狷信信吠噬帝命起公俾往督制威以戡
醜信以招攜曾不踰時羣醜以彘功成不居返我初服勇退
之節士論攸屬謂公未老尚其起之胡茲長逝奄莫予追嗟
嗟中丞位不滿德考其行治維時之則高墳歸然信溪之濱

勒詞穹碑式昭後昆

